

# **UKIUMOORTUMIK NALUNAARUSIAQ 2021**

## **Kalaallit Nunaanni Naatsorsueqqissaartarfik**

---

Naatsorsueqqissaartarfik  
Postboks 1025 · 3900 Nuuk  
Oqar.: +299 34 57 70  
[www.stat.gl](http://www.stat.gl) · e-mail: [stat@stat.gl](mailto:stat@stat.gl)



## **Ukiumoortumik nalunaarusiaq 2021**

Saqqummersitsisoq:  
Naatsorsueqqissaartarfik

Uani pissarsiarineqarsinnaavoq:  
[www.stat.gl](http://www.stat.gl)

### **Najugaq**

Naatsorsueqqissaartarfik  
Sipisaq avannarleq 1  
Postboks 1025  
3900 Nuuk  
Oqar.: 34 57 70  
Mail: [stat@stat.gl](mailto:stat@stat.gl)  
[www.stat.gl](http://www.stat.gl)  
GLN 5790001952709  
CVR 41587865

## Ukiumoortumik nalunaarusiaq 2021

### Siulequt

Kalaallit Nunaanni Naatsorsueqqissaartarfiup 2021-mut ukiumoortumik nalunaarusiaa saqqummiunneqarpoq. Naatsorsueqqissaartarfiup suliassai, tassunga ilanngullugit suliffeqarfiup inatsisitigut tunngavigisai aqutsinermilu pissut sit nalunaarusiami allaaserineqarput. Tamatuma saniatigut Naatsorsueqqissaartarfimmi 2021-mi kisitsisitigut paasissutissat suliarineqartut kiisalu suliffeqarfiup aningaasaqarnera, sulisullu pillugit takussutissat nalunaarusiap imarai.

Ukiumoortumik nalunaarusiamut atatillugu ingerlatsinermi pilersaarut siulersuisut akuerisimasaat ukiumut ataasiarluni nutarterlugu saqqummersinneqassaaq.

Covid-19 pissutaalluni saqqummersitassat allanngunngillat. Nappaassuarli pissutaalluni suliartortinnerat sivisunerusumik pivoq.

2021-mi angusat ataatsimut isigalugit naammaginarput. Ukiut siuliinut sanilliullugu atuisunut pitsanngoriaatit arlaqartut ukiumoortumik nalunaarusiamut ilanngunneqarput. Saqqummersitat aamma kisitsisaataasivimmi tabelit amerlipput. Taakku saniatigut kisitsisitigut paasissutissiat assigiinngitsut pitsanngorsarneqarput, atuisut tamanna ukiut arlalialuit qaangiuppata malugiumaarpaat.

Vøgg Løwe Nielsen  
Siulersuisunut siulittaasoq

## **1 Kalaallit Nunaanni Naatsorsueqqissaartarfiup suliassai aqunneqarneralu**

### **Kalaallit Nunaanni Naatsorsueqqissaartarfik**

Kalaallit Nunaanni Naatsorsueqqissaartarfik Kalaallit Nunaanni pisortatigoortumik naatsorsueqqissaarnernut qitiusumik oqartussaasuvoq.

Naatsorsueqqissaartarfiup pingaarnertigut akisussaaffigineqarnera siulersuisunit isumagineqarpoq, taakkulu inuiaqatigiinni pissutsinik ilisimasaqartunik tallimanik ilaasorta qarput. Ulluinnarni aqutsisoqarneq naatsorsueqqissaartarfimmi pisortaasumit isumagineqarpoq, taassumalu suliffeqarfik avammut nit-tarsaattarpaa.

### **Aaqqissuussaaniikkut inissisimaneq**

Naatsorsueqqissaartarfik aaqqissuussaaniikkut Aningaasaqarnermut Naligiissitaanermullu Naalackersuisoqarfiup ataaniippoq. Aningaasaqarnermut Naligiissitaanermullu Naalackersuisoqarfiup Naatsorsueqqissaartarfimmi aningaasaqarneq sulisunullu atugassarititat pingaarnertut akisussaaffigivai. Atugassarititat naatsorsueqqissaarnermut tunngasut siulersuisut akisussaaffigivaat.

## **1.1 Siulersuisut suliassaat katitigaanerallu**

### **Siulersuisut suliassaat**

Siulersuisut suliassaat Inatsisartut inatsisaanni nr. 11, 29. oktober 1999-imeersumi takuneqarsinnaasut ukuupput:

- Kalaallit Nunaanni Naatsorsueqqissaartarfimmut pingaarnertut akisussaaffik isumagissallugu
- Kisitsisitigut paasissutissat tamaneersut katiternissaannut siunnersuuteqassallutik
- Kalaallit Nunaanni Naatsorsueqqissaartarfik anguniakkanut aalajangersakkat naapertorlugit sulinersoq nakkutigissallugu
- Suliniuteqarfigineqartunut piffissaq ungasinnerusoq isigalugu Kalaallit Nunaanni Naatsorsueqqissaartarfiup pilersaarusiornera akuerissallugu
- Kalaallit Nunaanni Naatsorsueqqissaartarfiup sulinissamut pilersaarutai akuerissallugit
- Ukiumut ataasiartumik suliffeqarfiup sulinera pillugu Naalackersuisunut nalunaarummik tunniussaqaqtarnissaq

## Siulersuisut katitigaanerat

Siulersuisut 2021-p naanerani ukuninnga inuttaqarput, taakku atuuffiisa atorunnaarnissaat ungaluusami nalunaarutigineqarpoq:

- Vøgg Løwe Nielsen, siusinnerusukkut Danmarks Statistik-imi allafimmi pisortaasimasoq (juunip tallimaanni 2023)
- Tønnes Berthelsen, siusinnerusukkut KNAPK-mi pisortaq (juunip tallimaanni 2022)
- Kim Neumann Nielsen, Akileraartarnermut Aqutsisoqarfimmi pisortaq (juunip tallimaanni 2022)
- Paneeraq Noahsen, Nunatsinni nakorsaaneqarfimmi Inuiaqatigiit peqqissusaannut nakorsaaningorniaq (juunip tallimaanni 2023)
- MítldlâraK E. Lennert, Ilisimatusarfik (juunip tallimaanni 2024)

Kalaallit Nunaanni Naatsorsueqqissaartarfiup sulisui sinnerlugit Simon Westmann siulersuisuni 2021-mi ilaasortaatinneqarpoq.

Kalaallit Nunaanni Naatsorsueqqissaartarfimmut siulersuisut 2021-mi pingasoriarlutik ataatsimiipput. Nalinginnaasumik ukiumut pingasoriarluni ataatsimiittoqartaraluarpoq. 2021-mi siulersuisut ukiumut suliarisartagaat tassasut Ukiumoortumik nalunaarusiaq aamma Ingerlatsinermit pilersaarut suliarineqarnera akuerineqarneralu sammineqarlutik aamma 2021-mi missinger-suutit suliassanullu pilersaarutit immikkut sammineqarput. Aggustimi siulersuisut ataatsimiinnerminni kisitsisitigut paasissutissat suliffeqarnermut tunngasut aamma ilisimatusarnermut tunngasut immikkut samminiarpaat.

## 2 Kalaallit Nunaanni Naatsorsueqqissaartarfimmi ukiup ingerlanera

### 2.1 Kisitsisitigut paasissutissiorneq

Immikkoortuni kisitsisitigut paasissutissat assigiinngitsut saqqummersinnekartut agguarnerat takussutissiamit ataaniittumit erserput. 2020-mi ukiullu siuliini Naatsorsueqqissaartarfiup saqqummersitai immikkoortiterluagaanerusunngorlugit takussutissiorneri nittartakkami [www.stat.gl](http://www.stat.gl)-mi takuneqarsinnaapput.

### Takussutissiaq 1. 2020-mi 2021-milu saqqummersitat amerlassusivii aamma immikkoortut kisitsisitigut paasissutissanik suliaqarfiusut mallugit 2022-mi saqqummersitassatut pilersaarutaasut

	2020	2021	2022
Kalaallit Nunaanni kisitsisit	1	1	1
Aningaasaqarneq pillugu kisitsisitigut paasissutissat	51	54	57
Innuttaasut pillugit kisitsisitigut paasissutissat	27	28	28
Suliffeqarneq pillugu kisitsisitigut paasissutissat	41	43	46
<b>Katillugit</b>	<b>120</b>	<b>126</b>	<b>132</b>

2021-mi kisitsisitigut paasissutissanik suliaqarfiit immikkut maluginiaqqusat ataani allaaserineqarput.

### **Nukissiuuteqarneq pillugu kisitsisitigut paasissutissat**

2021-mit Kalaallit Nunaanni nukissiuutinik atuineq pillugu kisitsisitigut paasissutissiorneq aamma silaannarsuarmik mingutsitsineq pillugu FN-imut nalunaarsuineq Naatsorsueqqissaatarfimmit suliarineqaqqittalerput. 2021-mi paasissutissat (rådata) 2017-imiit 2020-moortut suliarineqarsimanngitsut suliarineqarput. Nukissiuuteqarneq pillugu kisitsisitigut paasissutissiornermi siornatigut atorneqartoq atoqqinneqarpoq. 2022-mi periuseq taanna nalilersoqqissaarneqassaaq, tassani immikkut isiginiarneqassallutik ilumut periutsip atorneqartup nukissiuuteqarneq pillugu kisitsisitigut paasissutissat naammanersut aamma piumasagaatit naammattumik suliarineqarnerisut.

### **Ilaqutariit paarsisartut**

2021-mi Naatsorsueqqissaartarfiup siullermeerluni ilaqutariit paarsisartut aamma meeqqat paarineqartartut pillugit kisitsisitigut paasissutissanik saqqummersitsivoq.

### **Innuttaasut**

2021-miit inunngornermut paasissutissat annertusisat kisitsisaataasivimmi tabelimut saqqummersinneqartalerput, inunuttaasut inunngorfii, angajoqqaat inunngorfii aamma aannaakkut/aataakkut inunngorfii ilanngullugit paasissutissat pigineqalerlutik. Tamanna Norgemi naatsorsueqqissaartarfiup (ssb.no) suleriaasia malillugu suliarineqarpoq, tassani immikkut isiginiarneqarput nunasisut taakkulu qitornaat. Innuttaasut pillugit kisitsisitigut paasissutissanut tabelinut assigiinningsut paasissutissat nutaat ilanngunneqarput, maannamiillu pisariaqartitsineq tunngavigalugu aaneqarsinnaalereerlutik.

Innuttaasut ataatsimut naatsorsorneri, sumiiffiit tunngavigalugit naatsorsuinernut aamma misissueqqissaarnernermut atugassatut tunngaviusussat maanna kisitsisaataasivimmi saqqummiunneqarput. Naatsorsuutit, sukumii-sorujussuarmik sumiiffinni inuit qanoq ittuuneri takutippaat aamma allanngortoqartillugu sumiiffinnut sunniutigisartagaat takuneqarsinnaapput, sui-aassuseq, utoqqaassutsit ukiut ataasikkaarlugit aamma inunngorfiit tunngavigalugit.

Sumiiffinni innuttaasut amerlassusissaasa saqqummersinnissaat 2022-mut kinguartinneqarput. Innuttaasut naatsorsorneri atorneqassammata innuttaasut amerlassusissaanik naatsorsuineri tunngaviusut pitsaannerusut atorneqassapput. Ukiuni kingullerni innuttaasut naatsorsornerat covid-19-imik sunnerneqarsimanerat imaluunniit taamaaginnassanersut nalorninartorsiortitsinera pissutaaqataavoq innuttaasut amerlassusissaasa saqqummersinneqar-nissaasa kinguartinneqarnerannut.

### **Aningaasaqarnermi periutsit**

2021-mi DREAM maleruagassanik assigiinningsunik Namminersorlutik Oqartussanut tunniussivoq. DREAM tassaavoq naalagaaffimmi suliffeqarfik namminersorluni arlaanaatigulluunniit attuumassuteqarnani ingerlasoq. DREAM-

ip nuna tamakkerlugu naatsorsuineri, periutsinik ineriartortitsinissaq, aserfallatsaaliuinissaq aamma annertussuseq aallaavigalugu misissueqqissaar-nissaq siunertaraa.

Periutsit ukiut arlaqartut DREAM-imit ineriartortinneqarsimasut maannamiit Naatsorsueqqissaartarfimmit ineriartortinneqarlutik ingerlaneqalerput. Periutsit pineqartut tassaapput siunissami innuttaasut ilinniarsimassusissaanik missingersuineq, innuttaasut aningaasaqarnikkut qanoq inissisimanissaat pillugu missingersuinerit aamma politikikkut aningaasarsiornermi qanoq inissisimanissaq pillugu missingersuinerit. Maanna innuttaasut amerlassusissaat Naatsorsueqqissaartarfimmit naatsorsorneqartartut pingaaruteqarlutik periutsinut tunngaviulluarput.

2021-mi Naatsorsueqqissaartarfik Aningaasaqarnermut Naligiissitaanermullu Naalakkersuisoqarfik peqatigalugu isumasioqatigiissitsipput, tasanilu periutsit tunniunneqarput. Tamatuma kingorna Naatsorsueqqissaartarfimmit periutsit atorneqalernissaanut piareersaasoqarpoq.

### **Aalisarneq**

Aalisarneq pillugu ataatsimiitsitaliarsuup innersuussinera malillugu 2021-mi aalisariutit suuneri illoqarfinni nunaqarfinnilu tulaassisimanersut kisitsisaataasivimmi tabelinngorlugit takuneqarsinnaalerput.

## **2.2 Naatsorsueqqissaarnermik paasissutissiisarneq**

### **Qarasaasiat atorlugit paasissutissiisarneq**

Naatsorsueqqissaartarfiup siammarterinera qarasaasiatigut pinerusarpoq. Qarasaasiakkut paasissutissiisarneq akikinneruvoq, sukkanerulluni aammalu tiguisartut assigiinngitsut pisariaqartitaat naapertorlugit allanngortikkuminarluni.

Nittartakkami tusagassiuutinut nalunaarutit, saqqummersitat, immikkut saqqummersitat, ukiumoortumik kisitsisitigut paasissutissat aamma kisitsisaataasivik ataatsimoortillugit takuneqarsinnaanerit neqeroortigineqarpoq. Nittartagaq kalaallisut qallunaatullu allagaavoq, immikkoortulli pingaarnerit tullut nutserneqarnikuupput.

Kisitsisaataasiviup programmia novembarimi 2020-mi nutaanerpaamut nutartigaavoq.

### **Saqqummersitat**

Kalaallit Nunaanni Naatsorsueqqissaartarfimmit saqqummersinneqartartut tamarmik akeqanngillat nittartakkamiillu aaneqarsinnaallutik. 2021-mi Naatsorsueqqissaartarfik 126-nik saqqummersitsivoq. 2020-mi saqqummersitat 86 pct.-ii piffissaq eqqorlugu saqqummersinneqarput, 2019-imi 91 pct.-it piffissaq eqqorlugu saqqummersinneqartut.

## Takussutissiaq 2. Piffissaq eqqorlugu 2016-imit 2021-mut saqqummiusisarneq

	Saqqummersitat amerlassusaat					
	2016	2017	2018	2019	2020	2021
Piffissaq eqqorlugu saqqummertut	84	81	82	93	109	108
Sap. ak. angullugu kinguaattoorlutik saqqummertut	2	2	2	5	7	8
Qaammat ataaseq angullugu kinguaattoorlutik saqqummertut	1	7	13	11	4	10
Qaammat ataaseq sinnerlugu kinguaattoorlutik saqqummertut	1	5	4	7	5	0
Ukiup tullianut kinguartinneqartut taamaatiinnarneqartulluunniit	0	1	4	18	3	0
<b>Katillugit</b>	<b>99</b>	<b>104</b>	<b>123</b>	<b>112</b>	<b>120</b>	<b>126</b>

### Kisitsisaataasivik

Saqqummersitanut atatillugu paasissutissat immikkoortiterluagaanerusut Kisitsisaataasivimmi tabelini nassaassaapput. Naatsorsueqqissaartarfiup nittartagaa aqutugalugu imaluunniit <https://bank.stat.gl> toqqaannartumik iserfigalugu kisitsisaataasivimmut isertoqarsinnaavoq. Kisitsisaataasivimmik atuisut tabelit assigiinngitsut 500-t 2021-mi marsimi atorsinnaavaat ukiup siuliani tabelit 470-iupput. 500-t akornanni 130-t tabelit toqqortaapput nutarterneqassaarnikut, nalinginnaasumillu tabelinik allanik taarsigaasimasarlutik.

Kisitsisaataasivimmi kisitsisaatigineqartut aaneqarsinnaapput atuisullu namminneq programiutaanni imaluunniit periarfissat allat kisitsisaataasiviup atuisunut quppersagaaniittut atorlugit suliarineqarsinnaapput.

2020-mi ukiakkut nittartakkap allanngortinneqarnerata kingorna kisitsisaataasivimmut aallernerit immikkoortunut immikkoortillugit naatsorsorneqarsinnaaleqiiupput. Takussutissiami ataaniittumi 2021-mi kisitsisaataasivimmut aallernerit naatsorsornerat takuneqarsinnaavoq.

### Takussutissiaq 3. Kisitsisaataasivimmut aallernerit, 2021

<b>Katillugit</b> .....	<b>58.690</b>
Suliffeqarmermi pissutsit .....	4.272
Innuttaasut .....	18.817
Nukissiuuteqarneq .....	2.068
Aalisarneq piniarnerlu .....	4.426
Isertitat .....	2.824
Aningaasaqarnikkut pissutsit .....	318
Pinerluuteqarsimasut pillugit kisitsisit ...	1.028
Nuna tamakkerlugu naatsorsuutit .....	1.879
Inuit aqqi .....	1.471
Pisortat aningaasaataat .....	1.199
Akit .....	1.660
Isumaginninnermut tunngasut .....	1.653
Peqqissutsimut tunngasut .....	2.732
Tupa imigassarlu aalakoornartulik .....	694
Takornariaqarneq .....	2.878
Ilinniartitaaneq .....	8.582
Nunanik allanik niueqateqarneq .....	1.964
Allat .....	225



## **Oqalugiariartortarneq**

2021-mi Naatsorsueqqissaartarfimmit ilinniartunut marloriarluni Namminer-sorlutik Oqartussanut aamma Kommuneqarfik Sermersuumi sulisunut kisitsisaataasiviup atornissaanik pikkorissartitsivoq. Pikkorissaaneq kisitsisaataasiviup atornissaanut atortussanik pikkorissartunut tunniussinissamik siunertarpoq.

Naatsorsueqqissaartarfimmit GUXimut, mini-MBA-mi ilinniartunut aamma Nuummi Rotarymut nittartagaq ilisaritinneqarpoq. Ilisarititsinerni taakkunani nunarsuarmi anguniakkat immikkut sammineqarput.

Nunat tamalaat akornanni Naatsorsueqqissaartarfik peqataaffigisamini ukuninnga pingasunik saqqummiivoq:

- 2021-mi kisitsisaataasivimmi PX pillugu nunat tamalaat ataatsimiinneranni saqqummiinnermi qulequtarineqarpoq *“Creating a multilingual px-file with R”*.
- Nunat avannarliit innuttaasut pillugit kisitsisitigut paasissutissat pillugit ataatsimiinneranni saqqummiinnermi qulequtarineqarpoq *“Population accounts and possibilities for cooperation”*.
- Nunani avannarlerni innuttaasut amerlassusissaat pillugu qarasaasiaq atorlugu ataatsimiinnermi saqqummiinnermi qulequtarineqarpoq *“Forecast based on The Greenlandic Population Account, in R. Work progress”*.

## **Facebook**

Kalaallit Nunaanni Naatsorsueqqissaartarfik 2014-imi Facebookimi atuisunngorpoq. Atuisunngornerup siunertarivaa Kalaallit Nunaanni Naatsorsueqqissaartarfimmit nutaarsiassat inunnut amerlanerusunut apuuttarnissaat. 2022-mi marsimi Facebookimi 1.105-inik malinnaasoqarpoq ukiup siuliani 1.062-inik malinnaasoqartoq.

## **API**

Kisitsisaataasivimmi paasissutissat API-nngorlugit (application programming interface) paasissutissiisartunit allanit pissarsiassaapput. Paasissutissat Kisitsisaataasivimmeersut aaneqarsinnaapput programminilu atoqqinneqarsinnaallutik, soorlu mobiilini appini, nittartakkani saqqummiissutini aalajangersimasuni allanilu. Takornariaqarnermut kisitsisitigut paasissutissat [www.tourismstat.gl](http://www.tourismstat.gl)-imiittut Visit Greenlandip atortagai Kisitsisaataasivik nutarteraangat ingerlaannaq aaneqartarput.

Kalaallit Nunaanni Naatsorsueqqissaartarfiup assilersukkanik saqqummiussinissamut periarfissat nammineerluni atortarsimavai, nunarsuarmi anguniakkanut qupperneq annerusumik pineqarluni. Programkode nittartakkamut atorineqartartoq Naatsorsueqqissaartarfiup avataaniittunut soqutiginnittunut akeqanngitsumik pissarsiassanngortinneqarnikuuvoq.

## **Kisitsisaataasivik**

2021-mi kisitsisaataasivik version 2021v1-imik taarserlugu nutarterneqarpoq. Ukiuni arlaqartuni kisitsisaataasiviup isikkua allannngortinneqarsimannngitsoq allanngorpoq. Norgemi naatsorsueqqissaartarfiup kisitsisaataasiviup allannngortinnissaa suliarisimavaa, taakkulu atuisut 2.1 WCAG (Web Content Accessibility Guidelines) tunngavigalugit suliat misiliisitsissutigisaqattaarlugit suliarisimavaat. Isigisaminnik ajornartorsiuteqartut taamaasillugik periarfissagissaarnerulerlutik.

### **Nutserneq**

2021-mi novembarip naanerani Naatsorsueqqissaartarfik Sipisaq Avannarleq 1-imut nuuppoq.

### **Nittartagaq**

2020-mi nittartagaq aamma kisitsisaataasivik qarasaasianut nutaannut nuunneqarput, ineriartortitsinermut atugassaq, misileraanernut atugassaq aamma nittartakkamut atugassaq immikkoortinneqarlutik.

Novembarimi 2020-mi kisitsisaataasivik nutaanerusoq atulerpoq. Kisitsisaataasivik nutaaq amerlanerusunik periarfissaqarpoq, nittartakkami saqqummersinneqartunit ataavartumik allerfigineqarsinnaanera ajornannginnerluni. Assersuutigalugu 'apeqqutit toqqortat' maanna oqaatsinit pingasuusunit (kalaallisut, qallunaatut tuluttullu) atorneqarsinnaalerpoq ajornannngitsumik, siusinnerusukkut oqaatsit atorneqartut tamarmik immikkut toqqorsivigineqartariaqaraluartut.

2020-p ingerlanerani kisitsisaataasivimmi periarfissat nutaat nittartakkami atuutilerput. Nittartakkami nutaami uku immikkut sammineqarput 1) ujarlarsinnaaneq, atuisoq allalluni nittartakkami ujarlernissaminut periarfissaqarlerpoq aamma 2) saqqummertussanut ullorsiut.

Nittartakkamut ilanngunneqarsinnaalerput saqqummersitat assersuutigalugu R-imik suliat, taakkulu nammineerlutik nutartersinnaannngorlugit suliarineqarput. Periuseq taanna nunarsuarmi anguniakkat pillugit suliami aamma tabelinik katersanut atorneqarpoq. Tabelit katersat atorlugit kisitsisat atorneqarnerpaasartut takulertorneqarsinnaapput, tabelit katersat kisitsisaataasivimmik atuinissamut akunnattoortut atorluarsinnaavaat.

## **2.3 Aningaasatigut isumalluutit**

Siulersuisut sulianut pilersaarusiamik aalajangersaasarpoq, taannalu aningaasaliissutinik ukiumoortumik aningaasanut inatsit aqqutigalugu tunniunneqartunit suliassanillu suliakkiissutaasunit isertitanit aningaasalersorneqarpoq.

2021-mi aningaasaliissutit 11.9 mio. kr.-imiipput, immikkut tapiliussat. Naatsorsuinerup inernerata takutippaa aningaasat atukkat 1,2 mio. kr.-nik ikinne-rusimasut.

Aningaasanik atuinikillineq annermik angalanernut (sulisunut aningaasartuutit), siunnersortit (avataaneersut) aamma kiffartuussinerut aningaasartuutit annikillismanerannik pissuteqarpoq.

2021-mut naatsorsuutit ukiup siulianit nuuttanik (sinneqartoorutaasimasunik) 1.2 mio. kr.-inik ilaqarput.

2019-imi Namminersorlutik Oqartussat kontoplan nutaaq atulerpaat. 2019-imumut aamma 2020-mut naatsorsuutit ataaniittut kontoplani nutaaq malillugu suliaapput.

#### Takussutissiaq 4. Naatsorsuutit inernerit 2019-2021

Art	Kontop aqqa	2019	2020	2021
2101	Tunisineq	-1.023	-934	-679
	Akissarsiat (siulersuisut akissarsiaat			10.381
22xx	ilanngullugit)	9.071	10.034	
	Atorfinittunut			38
	atorfeqarunnaartunullu			
2205	anigaasartuutit	19	80	
	Pikkorissartitsinernut			13
2206	anigaasartuutit	37	2	
2207	Sulisunut anigaasartuutit allat	502	62	149
	Nioqqutissanik pisinernut			185
2208	anigaasartuutit	89	115	
	Kiffartuussinernik pisinernut			71
2209	anigaasartuutit	183	69	
2210	Ineqarnermut anigaasartuutit	0	50	0
2212	IT aamma attaveqaqatigiinneq	196	152	244
2213	llassinninneq	9	0	0
	Avataanit ikiorneqarnermut			92
2214	anigaasartuutit	269	66	
	Pigisat iluarsaanneri			17
2217	aserfallatsaaliernerilu	0	0	
	Atuinernut anigaasaliissutit,			10
2218	illuutinut	0	0	
3201	Pigisat	136	5	0
3401	Anigaasaliissutit	11	0	0
3901	Ukiut akornanni nuussinerit	-80	23	185
		9.419	9.725	10.705

## 2.4 Sulisoqarneq

### 2022-p aallartinnerani sulisut

Januaarip aallaqqaataani 2022-mi sulisut 15-iupput tassaasut: Pisortaq, pisor-tap tullersortaa, kisitsisitigut paasissutissanut siunnersortit qulit, paasissutis-siisartut marluk, allaffimmioq ataaseq. 2021-mi sulisut akornanni kisitsisitigut paasissutissanut siunnersorti ataaseq sulilerpoq, kisitsisitigut paasissutissanut siunnersortit pingasut suliuinnaarlutik.